



Broj: 13-11-4-9287/23  
Sarajevo, 13.12.2023. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

## ODLUKU o izboru najpovoljnijeg ponuđača

### I

Za najpovoljnijeg ponuđača za javnu nabavku usluga „Usluge održavanja za workflow sistem i nabavke licenci“, po provedenom postupku javne nabavke putem pregovaračkog postupka bez objave obavještenja o nabavci izabran je slijedeći ponuđač:

### OCEAN d.o.o. Travnik sa ukupnom cijenom od 11.838,39 KM

(slovima: jedanaesthiljadaosamstotinatridesetosam i 39/100 konvertibilnih maraka) sa uračunatim PDV-om

### II

Za izvršenje ove Odluke zadužuje se Služba za zajedničke poslove.

### III

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

### Obrazloženje

Postupak javne nabavke proveden je putem postupka pregovaračkog postupka bez objave obavještenja o nabavci, a pokrenut je na osnovu Odluke Općinskog načelnika broj: 13-11-4-9287/23 od 03.11.2023. godine.

Procijenjena vrijednost javne nabavke sa PDV-om je: 14.500,00 KM (slovima: četrnaesthiljadapetstotina i 00/100 konvertibilnihmaraka).

Broj informacije o pregovaračkom postupku bez objave obavještenja o nabavci: 935-4-2-226-20-7/23 od 13.11.2023. godine u 11:43 sati.

Komisija za javne nabavke roba, radova i usluga je imenovana Rješenjem broj: 01-30-5-8227/23 od 17.10.2023. godine.

U predmetnom postupku utvrđeno je da je Komisija za javne nabavke roba, radova i usluga izvršila ocjenu kvalifikovanosti ponuđača, te nakon zaprimanja početne ponude izvršila pregovore sa ponuđačem OCEAN d.o.o. Travnik, o čemu je sačinila Zapisnike.

Iz Zapisnika o zaprimanju konačne ponude vidljivo je da je do dana 13.12.2023. godine, pristigla ponuda slijedećeg ponuđača:

R. br.	Naziv i sjedište ponuđača	Ukupna ponudena cijena sa PDV-om
1.	OCEAN d.o.o. Travnik	11.838,39 KM

Iz Zapisnika o pregledu i ocjeni konačne ponude Komisije za javne nabavke roba, radova i usluga je vidljivo da je Komisija za javne nabavke roba, radova i usluga izvršila uvid u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponuđača OCEAN d.o.o. Travnik formalno-pravno ispravna te da ispunjava uslove, odnosno zahtjeve ugovornog organa tražene tenderskom dokumentacijom za izradu konačne ponude - III dio.

Zatim je Komisija za javne nabavke pristupila razmatranju finansijskog dijela konačne ponude ponuđača OCEAN d.o.o. Travnik, te je izvršena računaska provjera dostavljene konačne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Shodno iznesenom, Komisija za javne nabavke je ocijenila konačnu ponudu ponuđača OCEAN d.o.o. Travnik kao prihvatljivu za ugovorni organ sa stanovišta procijenjene vrijednosti nabavke.

Komisija za javne nabavke roba, radova i usluga je jednoglasno predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, ponuđaču čija ponuda je ocijenjena kao najpovoljnija, na osnovu najniža cijena, u ukupnom iznosu ponude od 11.838,39 KM (slovima: jedanaest hiljada osam stotina tridesetosam i 39/100 konvertibilnih maraka) sa uračunatim PDV-om, te da se ponuđaču OCEAN d.o.o. Travnik dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



#### **DOSTAVITI:**

1. OCEAN d.o.o. Travnik
2. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.

